

李文忠公奏稿

李文忠公奏稿

卷之二十四目錄

李光昭欺罔招搖摺 同治十三年八月十六日

保黎兆榮補津關道摺 同治十三年十月十六日

京引展限復額摺 同治十三年十月十六日

籌議海防摺 同治十三年十一月初二日

籌辦鐵甲兼請遣使片 同治十三年十一月初二日

馮桂芬建專祠片 同治十三年十一月十二日

截留京餉摺 同治十三年十一月二十五日

張家口糧臺報銷摺 同治十三年十二月十三日

修濬附省隄河請獎摺 同治十三年十二月十七日

河工代賑報收摺 同治十三年十二月十七日

李文忠公奏稿卷二十四

全集一之二十四

桐城吳汝綸編錄

李光昭欺罔招搖摺

同治十三年八月十六日

奏爲審明李光昭捏報木價欺罔不法並究出招搖煽惑各情按律定擬仍據實聲明請

旨恭摺仰祈

聖鑒事竊臣欽奉同治十三年七月初六日

上諭李鴻章奏職官報效木植現在無從驗收轉解一摺據稱候選知府李光昭報效木植現與美法兩國商人互控結訟轆轤甚多其所買法商木植較之呈報內務府之數木價既多浮開銀亦分毫未付等語李光昭所辦木植經李鴻章查明係買自法商其價值議定洋銀五萬四千餘元而在內務府呈稱購運洋木竟敢

浮報值銀三十萬兩之多似此膽大妄爲欺罔朝廷不法已極李光昭著先行革職交李鴻章嚴行審究照例懲辦所有李光昭報效木植之案著卽註銷該衙門知道欽此同日奉准軍機大臣字寄七月初六日奉

上諭李光昭現與法美領事構訟各執一詞必須持平妥辦著李鴻章飭令該關道與領事官會審明確秉公辦理該革員以五萬餘元之木價捏報三十萬兩已屬荒唐且面求美領事代購價值法領事照會關道請拘留李光昭無使逃走無恥已極尤堪痛恨該督既稱李光昭在外招搖出言不慎且恐有別項情節卽著李鴻章迅速確切根究按律嚴辦不得稍涉輕縱等因欽此仰見我皇上整飭紀綱嚴懲奸惡莫名欽服遵卽分飭署津海關道孫士達天津道丁壽昌及天津府縣將李光昭拏獲其與洋商結訟一

節前據美領事畢德格呈明木商係法國人歸法領事辦理隨飭  
孫士達先與法領事狄隆迅速會審明確持平安辦旋據查訊李  
光昭定買法商播威利木植三船第一船已抵天津其餘兩船一  
抵上海一在外洋所有後船木單李光昭已經見過惟所到木植  
尺寸短小不合工需而播威利則謂原議如此李光昭廢棄合同  
有意誑騙致該商重洋跋涉守候多時大受虧折求令李光昭賠  
洋銀一萬五千元以償該商耽擱資本及船價耗費方肯了事訊  
之李光昭既無錢買木亦無力認賠該領事與洋商屢瀆不已查  
所到木植尺寸本不合舵樑標柱之用若配修海防礮架等項尙  
屬相宜隨飭該關道與法領事商辦將已到木植由天津機器局  
權宜收買李光昭賠款卽作罷論播威利勢難久候增累亦卽遵  
允其餘兩船木植由該洋商止令勿來自行月售以符註銷報效

之

旨此層辦結後臣卽督飭孫士達丁壽昌並天津府知府馬繩武連日嚴究李光昭捏報木價欺罔招搖各情茲據該道等錄供具詳前來臣親提復訊據李光昭供係廣東嘉應州人寄居湖北漢陽縣向販木植茶葉生理同治元年在臨淮軍營報捐雙月知府僅領實收未得部照實收旋亦焚燬前在漢鎮挑築隄工被人控告未結十二年六月進京販賣花板與前任內務府大臣誠明前署內務府堂郎中貴寶內務府候補筆帖式成麟認識其時興修圓明園誠明等問伊采買大木情形伊思若到四川等省進山伐木用工木銀三千兩可報效值銀一萬兩旋向貴寶說願報效十萬兩銀木植分十年呈交經貴寶帶見堂官允令呈請核辦隨卽出京與成麟偕行嗣至湖北探知進山伐木非三年不能出山工

本太重復至廣東香港改購洋木本年三月定買洋商港忌呂宋  
木洋尺三萬二千尺當付定洋十元寫立合同後港忌病故原定  
木植被其債主分散事遂罷議時法商播威利亦有木植出賣伊  
因無錢初尙游移成麟欲藉此補缺據云可向其親戚借湊遂向  
定買成麟先取木樣回京伊又至福州與播威利議定買木三船  
共洋尺三萬五千尺每尺價一元五角五尖統合木價洋銀五萬  
四千二百五十元言明到津付價交木若有耽擱每日加給船價  
洋銀五十元先付定洋十元寫立合同伊於五月至津播威利將  
第一船木植運到伊即赴京在內務府呈報木植數目捏開洋尺  
五萬五千五百餘尺價值銀三十萬兩惟伊係無錢買木報效家  
中僅有五十石糧之地從前做生意時尙可通融銀錢今向各處  
告貸未獲成麟亦未借得銀兩運到木植又不合用遂與洋控至

伊曾刻有奉

旨采運

圓明園木植李銜條並製有奉

旨采辦旗號等供臣又進出李光昭定買洋商菴忌木植洋文合

同一紙飭照原文繕譯內有

圓明園李監督代

大清

皇帝與阿多富菴忌香港商人立約字樣詰其何得如此狂悖據云漢文內無此語疊進漢文合同稱已無存又謂係漢文譯錯而訊其香港所邀專看洋文之通事戴子珍則稱洋文內實有

圓明園李監督等字樣並未譯錯查向來華洋交易訂立洋文合同其華商銜名皆依本人所言而寫不能歧異若李光昭並無李



監督之語洋文內何從造作況漢文合同竟已滅跡其爲狡賴無疑該犯自認捏造奉

旨采辦銜條旗號至捏稱

圓明園監督既有譯出洋文可憑並據通事戴子珍指證確鑿應卽就案擬結查律載詐傳

詔旨者斬監候又詐稱內使近臣在外體察事務欺詐煽惑者斬監候各等語李光昭捏報木價已屬膽大妄爲欺罔不法該犯呈請報效木植僅經內務府批准並奏明由地方官查驗如有夾帶或根件不符查出從嚴懲辦等因是該革員並無專奉采辦之諭旨其自行報效與特奉采辦名義懸殊豈容假借影射乃敢捏造奉

旨采辦銜條旗號肆意招搖煽惑中外實屬詐傳

詔旨

圓明園爲

聖駕巡幸重地凡執事人員皆係內使近臣該犯冒充

園工監督到處誑騙致洋商寫入合同適足貽笑取侮核與詐稱內使近臣之條相合其捏報木價若照上書詐不以實尙屬輕罪自應按照詐傳

詔旨及詐稱內使近臣之律問擬兩罪皆係斬候照例從一科斷李光昭一犯合依詐傳

詔旨者斬監候律擬斬監候秋後處決該犯所稱前在軍營報捐知府是否屬實尙不可知但罪已至死應無庸議查該犯素行無賴並無家資實藉報效爲名肆其欺罔之計本無存木而妄稱數十年購留本無銀錢而騙惑洋商到津付價本止定價五萬餘元

而浮報銀至三十萬兩之多且猶慮不足以聳人聽聞捏爲奉旨采辦及

國工監督名目是以洋商竟有稱其爲李

欽使者足見招搖謬妄並非一端迨回津後惡跡漸露復面求美領事代囑本價致法領事照請關道將其拘留誠如

聖諭無恥已極尤堪痛恨此等險詐之徒只圖奸計得行不顧

國家體統迹其欺罔

朝廷煽惑商民種種罪惡實爲眾所共憤本非尋常例案所能比擬若不從嚴懲辦何以肅綱紀而正人心仰蒙

旨飭嚴辦臣斷不敢稍涉輕縱惟定例並無如何加嚴明文向來似此案件應仍請

旨定奪所有查訊李光昭欺罔招搖各情節按律定擬仍據實聲

明請

旨緣由理合專摺陳伏乞  
皇上聖裁訓示遵行謹  
奏

保黎兆棠補津關道摺

同治十三年十月十六日

奏為津海關道要缺酌保賢員請

旨簡用恭摺仰祈

聖鑒事竊津海關道陳欽告病開缺經臣奏委道員孫士達暫行署理在案自同治九年十月奉

旨添設津海關道一缺專管中外交涉事件及新鈔兩關稅務責成甚重如果得人則各國洋人進京即由臣督同該道探明意指折其機牙可為總理衙門指臂之助況臣統轄北洋佐理需才近年日本祕魯各國在津議約皆賴該關道幫同籌畫辯論非熟悉洋情廉明幹練之員不足以孚眾望吏部奏定章程津海關道缺出遵

旨由臣揀員請補或於通省現任道員候補道員現任知府內請

調請補請升如一時無可勝任人員准該督於摺內聲明酌保一二員請

旨簡用等語臣維直省道府中不乏賢能惟洋務條理繁多事體重向未經辦則遇事茫無主見誠恐緩急難恃未便遷就貽誤茲查有前署臺灣道黎兆棠廣東順德縣進士由禮部主事總理衙門行走奏調江西軍營歷次保升南安府知府候補道員署江西藩司旋又調往福建署理臺灣道於洋務講求有年本年四月沈葆楨奏調該員赴臺摺內稱其膽識兼偉洞悉洋情民懷吏畏臣亦素稔其忠毅敏果持正而不至過激知難而勇於有爲堪資折衝駕馭之選目下日本就款定期撤兵臺事稍緩合無仰懇天恩俯念津海關道員缺緊要卽以江西候補道黎兆棠補授實於時局有裨如蒙

俞允臣再隨時咨商沈葆楨侯臺澎善後辦理稍有就緒卽令發  
兆棠馳赴新任以重職守所有酌保賢員請  
旨簡授要缺緣由理合繕摺具陳伏乞

皇上聖鑒訓示謹

奏

京引展限復額摺

同治十三年十月十六日

奏爲京商銷滯累深原停引日驟難復額援案請再展限五年藉保課本恭摺仰祈

聖鑒事竊查長蘆京綱應銷引七萬二百餘道引數過多銷路有限各商包課炭炭難支經前任督臣曾國藩奏請停引二萬道餘引五萬二百餘道令其勉力辦運俟行市暢旺相機議加旋准戶部議覆以五年爲限自同治九年起到十三年限滿此五年中疊飭運司督商設法疏銷無如引數尙多仍浮於實銷之數加以商人股累不一行市不齊累商因賣鹽需時公私交迫遂賤售於油鹽店殷商卽被牽掣引滯課虧不得不酌予調劑上年十二月間議准借助資本復設公櫃齊價整頓以除賤售虧折之弊原爲藉保現課起見斷難驟議增加目下開辦伊始銷數未能起色各



商歸公櫃鹽二萬餘包尙存鹽八千餘包可爲滯銷之實證且灘  
鹽連歲被水歉收成本愈重潮白河一再決口運道淺阻盤腳費  
多商情窘困統計停減以後同治九年京商領銷引四萬二千六  
十一道十年領銷引三萬一千七百七十七道十一年領銷引三  
萬三千一百七道十二年領銷引四萬一千九百五十七道本年  
秋關已竣僅領銷引三萬四千九百四十八道均不及減剩五萬  
二百餘道之數其帶引課款各商仍須包賠受累已深何堪再受  
加引之累臣督飭運司成孚悉心體察若不將已停之引推展年  
限無以紓商力而保課本操之過蹙轉成渙散之勢疊據該商等  
稟經運司具詳前來相應仰懇

天恩准將京商原停引二萬道仍照案展停五年俟限滿察看銷  
數稍旺再行議加一面飭司實力督商設法疏銷漸圖復額所自

原停京引請展年限緣由理合繕摺具陳伏乞  
皇上聖鑒訓示謹  
奏

籌議海防摺

同治十三年十一月初二日

奏爲欽奉

諭旨詳細籌議海防緊要應辦事宜恭摺密陳仰祈

聖鑒事同治十三年九月二十九日承准軍機大臣密寄奉

上諭總理各國事務衙門奏海防亟宜切籌將緊要應辦事宜撮  
敘數條請飭詳議一摺沿江沿海防務經總理各國事務王大臣  
並各該將軍督撫等隨時籌畫而備禦究未可恃亟應實力講求  
同心籌辦堅苦貞定歷久不懈以紓目前當務之急以裕國家久  
遠之圖該王大臣所陳練兵簡器造船籌餉用人持久各條均係  
緊要機宜著李鴻章等詳細籌議將逐條切實辦法限於一月內  
覆奏此外別有要計亦卽一併奏陳不得以空言塞責等因欽此  
旋又准總理衙門鈔奏知照以丁日昌續擬海洋水師章程六條

請飭策人該衙門前奏一併妥籌覆奏奉

硃批依議欽此仰見

朝廷思慮預防力圖自強之至意欽服莫名臣查各國條約已定斷難更改江海各口門戶洞開已爲我與敵人公共之地無事則同居異心猜嫌既屬難免有警則我虞爾詐措置更不易周值此時局似覺防無可防矣惟交涉之事日繁彼族恃強要挾在在皆可生釁自有洋務以來疊次辦結之案無非委曲將就至本年日本興兵臺灣一事經總理衙門王大臣與該使多方開諭幾於管

禿臂焦猶賴

聖明主持於上屢

飭各疆臣嚴密籌防調兵集船購利器築礮臺一時並舉雖未卽有把握而虛聲究已稍壯該酋外怵公論內懾兵威乃漸帖耳就

款於

國體民情尙無窒礙未必非在事諸臣挽救之力臣於臺事初起時卽緘商總理衙門謂明是和局而必陰爲戰備庶和可速成而經久洋人論勢不論理彼以兵勢相壓我第欲以筆舌勝之此必不得之數也夫臨事籌防措手已多不及若先時備豫倭兵亦不敢來烏得謂防務可一日緩哉茲總理衙門陳請六條目前當務之急與日後久遠之圖業經綜括無遺洵爲救時要策所未易猝解者人才之難得經費之難籌畛域之難化故習之難除循是不改雖曰事設防猶畫餅也然則今日所急惟在力破成見以求實際而已何以言之歷代備邊多在西北其強弱之勢客主之形皆適相埒且猶有中外界限今則東南海疆萬餘里各國通商傳教來往自如廣集京師及各省腹地陽託和好之名陰懷吞噬之計

一國生事諸國構煽實爲數千年來未有之變局輪船電報之速  
瞬息千里軍器機事之精工力百倍礮彈所到無堅不摧水陸關  
隘不足限制又爲數千年來未有之強敵外患之乘變幻如此而  
我猶欲以成法制之譬如醫者療疾不問何症概投之以古方誠  
未見其效也庚申以後夷勢駸駸內向薄海冠帶之倫莫不發憤  
慷慨爭言驅逐局外之訾議既不悉局中之艱難及詢以自強何  
術禦侮何能則茫然靡所依據自古川兵未有不知已知彼而能  
決勝者若彼之所長己之所短尙未探討明白但欲逞意氣於孤  
注之擲豈非視

國事如兒戲耶臣雖愚闇從事軍中十餘年向不敢畏縮自甘貽  
憂

君父惟洋務涉歷頗久聞見稍廣於彼已長短相形之處知之較

深而環顧當世餉力人才實有未逮又多拘於成法牽於眾議雖欲振奮而未由易曰窮則變變則通益不變通則戰守皆不足恃而和亦不可久也謹就總理衙門原議逐條詳細籌擬切實辦法附以管見略爲引伸丁巳昌所陳開有可采一併彙入核擬以備芻蕘之獻仍請

敕下在廷王大臣詳晰議請

行定尊總之居今日而欲整頓海防舍變法與用人別無下手之方伏願我

皇上顧念社稷生民之重時勢艱危之極常存欲然不自足之懷節省冗費講求軍實造就人才皆不必拘執常例而尤以人才爲亟要使天下有志之士無不明於洋務庶練兵製器造船各事可期逐漸精強積誠致行尤需歲月遲久乃能有濟目前固須力保

和局卽將來器精防固亦不宜自我開釁彼族或以萬分無禮相  
加不得已而一應之耳所有遵

旨詳議緣由謹繕摺密陳并將議覆各條繕具清單恭呈

御覽伏乞

皇上聖鑒訓示謹

奏



謹將總理衙門原奏緊要應辦事宜逐條切實辦法並將丁  
日昌續奏各條併入詳細擬議恭呈

御覽

一原奏練兵一條內稱若求實在可禦外患事較辦髮捻諸賊爲  
更難兵亦較辦髮捻諸賊宜更精洵是不刊之論蓋髮捻苗回諸  
賊皆內地百姓雖有勇銳堅忍之氣而器械不及官軍之精備可  
以期撫兼施若外洋本爲敵國專以兵力強弱角勝彼之軍械強  
於我技藝精於我卽暫勝必終敗敵從海道內犯自須亟練水師  
惟各國皆係島夷以水爲家船礮精練已久非中國水師所能驟  
及中土陸多於水仍以陸軍爲立國根基若陸軍訓練得力敵兵  
登岸後尙可鏖戰礮臺布置得法敵船進口時尙可拒守但用旗  
綠營弓箭刀矛擡鳥鎗舊法斷不足以制洋人並不足以滅土寇

卽如直隸練軍原經挑選整頓近始兼習洋鎗小炸礮以期內寇  
尙屬可用以禦外患實未敢信各省抽練之兵大率類此用洋鎗  
者已少用後門鎗及炸礮者更少其勢只可加練而不可減練只  
可添練洋器以求制勝而不可拘執舊制以圖省費前督臣曾國  
藩於同治十年正月覆奏籌備海防摺內謂沿海之直隸奉天山  
東三省江蘇浙江兩省廣東福建兩省沿江之安徽江西湖北三  
省各應歸併設防沿海七省共練陸兵九萬沿江三省共練陸兵  
三萬統計每年需餉八百萬兩因無款可籌議遂中止茲總理衙  
門擬以曾經制勝之洋鎗隊練習水戰丁日昌擬選練陸軍合天  
下得精兵十萬人與曾國藩前奏用意略同惟陸軍與水師用法  
各殊練法亦異水師猶可上岸擊賊陸軍未便強令操舟似不宜  
兩用以致兩誤臣愚以爲沿海沿江各省現有練兵鎗隊雖不及

何國藩丁日昌所擬十餘萬之多然與其多而無用不若少而求精但就現有陸軍認真選汰一律改爲洋鎗礮隊凡綠營額兵疲勇勇營酌加裁減其餉卽加給新練之隊沿海防營並換用後門進子鎗於緊要口岸附近之處屯紮大枝勁旅無事時專講操練兼築堡壘有事時專備游擊不准分調各海口仿照洋式修築沙土礮臺以地步寬展橢圓堅厚爲要礮位宜開用口徑八寸至十餘寸者擇將擇兵演習之務在及遠愈遠愈妙務在能中不中不發卽所謂藥能對症有備無虞者矣

一原奏簡器一條西國水陸戰守利器以鎗礮水雷爲大宗礮有前後門生熟鐵純鋼之分鎗有前後門滑膛來福之異水雷有用觸物磨物電氣發火之別竊嘗考究其圖與器而得其大略洋鎗一項各國改用後門以其手法靈捷放速而及遠其舊製前門鎗

賤價售於中國每爲外人所輕英俄德法美泰西五大強國也其  
後門鎗名曰英之至精者曰亨利馬梯呢其次曰士乃得俄曰俾  
爾打呶德曰呢而根法曰沙士鉢美曰林明登以利鈍遲速較之  
則英之亨利馬梯呢精於俄俄之俾爾打呶精於美美之林明登  
又精於英之士乃得及德法諸鎗也林明登士乃得二種近年已  
運入中國臣處及沈葆楨均購存林明登數千枝上海機器局亦  
能仿造惟兵勇粗疏者多士乃得機簧較簡購價較省修改較便  
現擬令各營酌換士乃得鎗而閒以林明登認真操習由漸而精  
並令津滬各局先購林明登造子機器仿製子藥銅捲以便接濟  
仍與總理衙門商購英國亨利馬梯呢鎗若干枝又與俄領事訂  
購俾爾打呶鎗千枝以備將士選鋒者操用至礮位一項英德兩  
國新式最精德國克鹿卜後門鋼礮擊敗法兵尤爲馳名臣近年

購到克鹿卜大小礮五十餘尊分置大沽礮臺天津防營其最大者兩尊口徑八寸足抵前門礮口徑十一二寸之子力然每尊價約二萬元昔於無力多購或謂鋼礮過大藥力過猛用久或致損礙故英國多用前門熟鐵來福長彈大礮曰烏理治曰阿墨斯得耶曰回德活特三家尤著大者口徑十一寸至十五寸身重至八萬斤以上子彈重至六百磅能打穿二十餘寸厚之鐵甲惟起運維艱價值尤貴中國向無購用者陸路行仗小礮則以德國克鹿卜四磅彈後門鋼礮英國格林連珠礮爲精捷又各定購數十尊以備游擊要需且下滬甯各局只能仿造十二磅至六十八磅之回彈銅鐵炸礮准軍習用已久遠勝中國傳製而不及西洋新式之精仍擬仿照烏理治阿墨斯得耶之式箱以熟鐵而機器未備外國每造鎗礮機器全副購價須數十萬金再由洋購運鋼鐵

等料殊太昂貴須俟中土能用洋法自開煤鐵等礦再添購大爐  
氣鍾壓水櫃等機器仿造可期有成若克鹿卜之鋼礮回德活特  
之熟鐵礮係用生鋼生鐵鑄成該廠自有祕法更未易學步矣至  
水雷一項雖船破敵最猛從前南北花旗之戰南兵獲水雷力居  
多總法之戰法國兵艘十倍於德而波羅的海法艘未敢深入全  
仗水雷之功其法分爲兩類一爲定而不動之水雷或連於木樁  
木排之間或用鋪定其方位使沈水中或陸地城堡被攻時於缺  
口要路安置此專爲自守而設一爲能行動之水雷或浮水面順  
風力飄動或用機器自行或於鐵船首伸出長竿置之或專作拖  
帶水雷之船此可爲攻敵之用近來格致之學日精水雷之法亦  
日精多以強水觸物磨物及電綫發火其觸而發火磨而發火此  
用法點放者尤佳用藥僅五六十磅無論何種兵船皆可轟破其

底聞各國皆講究此物製存極多其用時必於水中排列數行每  
口安放數十具使敵船疑畏不敢進滬津各局現只能仿造其粗  
者而電機銅絲鐵繩橡皮等件仍購自外洋須訪募各國造用水  
雷精藝之人來華教演庶易精進至火器盡用洋式礮子火藥兩  
項亦係要需津局有造藥機器四副日出二千餘磅已可敷用惟  
鎗礮多而子彈尙少滬局僅造藥機器一副日出無幾宜添購機  
器在蘇甯推廣製造各省防江防海需用洋鎗礮之子藥均宜設  
局在內地仿造否則事事購自洋商殊無以備緩急且聞滬津各  
機器局逼近海口原因取材外洋就便起見設有警變先須重兵  
守護實非穩著嗣後各省籌添製造機器必須設局於腹地通水  
之處海口若有戰事後路自製儲備可源源運濟也

一原奏造船一條查布國防海新論有云凡與濱海各國戰爭者

若將本國所有兵船徑往守住敵國各海口不容其船出入則爲  
防守本國海岸之上策其次莫如自守如沿海數千里敵船處處  
可到若處處設防以全力散布於甚大之地而兵分力單一處受  
創全局失勢故必聚積精銳只保護緊要數處即可固守等語所  
論極爲精切中國兵船甚少豈能往堵敵國海口上策固辦不到  
欲求自守亦非易言自奉天至廣東沿海袤延萬里口岸林立若  
必處處宿以重兵所費浩繁力既不給勢必大潰惟有分別緩急  
擇尤爲緊要之處如直隸之大沽北塘山海關一帶係京畿門戶  
是爲最要江蘇吳淞至江陰一帶係長江門戶是爲次要蓋京畿  
爲天下根本長江爲財賦輿區但能守此最要次要地方其餘各  
省海口邊境略爲布置卽有挫失於大局尙無甚礙惟既欲固守  
必預將所有兵馬礮位軍械輜重並工局物力儲備堅厚雖軍情



自變而不離其宗

廟謀圖算平昔之經營臨事之調度皆不可一毫錯亂道光二十  
二年夷船入長江而全局始震咸豐十年夷兵犯津通而根本  
遂危彼族實能覘我要害制我命脈而我所以失事者由於散漫  
設防東援西調未將全力聚於緊要數處今議防海則必鑒前轍  
揣敵情其防之之法大要分爲兩端一爲守定不動之法如口內  
礮臺壁壘格外堅固須能抵禦敵船大礮之彈而礮臺所用礮位  
須能擊破鐵甲船又必有守口巨礮鐵船設法阻擋水路並藏伏  
水雷等器一爲挪移泛應之法如兵船與陸軍多而且精隨時游  
擊可以防敵兵沿海登岸是外海水師鐵甲船與守口大礮鐵船  
皆斷不可少之物矣現計閩廠造成輪船十五號內有二號已在  
臺灣遭風損壞滬廠造成輪船六號內有二號馬力五百匹配礮

二十六尊與外國大兵船相等其餘各船皆僅與外國小兵船根  
機相等然已費銀數百萬有奇物料匠工多自外洋購致是以中  
國造船之銀倍於外洋購船之價今急欲成軍須在外國定造爲  
省便但不可轉託洋商誤買舊船徒糜巨款訪聞兵船及鐵甲船  
以英國爲最精英之官廠公司廠均以造鐵甲之優劣相與爭衡  
日新月異應揀派明於製造略知兵事之員選帶學生工匠前往  
由總理衙門會商駐京使臣移知該國兵部俾得親赴各廠考究  
何等船制最爲堅緻靈捷並宜於中國水道者與其議價定造卽  
將帶去華匠兵士附入該廠及武備院學習造工並講求駕駛操  
練之法俟成船後配齊礮位隨船回華庶有實濟而中國船廠仍  
畝加開拓以備修船地步至擬設兵船數目如丁日昌所稱北東  
南三洋各設大兵輪船六號根撥輪船十號合共四十八號自屬

不可再少除將中國已造成二十號抵用外尙短二十八號竊謂  
北東南三洋須各有鐵甲大船二號北洋宜分駐煙臺旅順口一  
帶東洋宜分駐長江外口南洋宜分駐廈門虎門皆水深數丈可  
以停泊一處有事六船聯絡專爲洋面游擊之師而以餘船附麗  
之聲勢較壯約計定造鐵甲船每隻需銀百萬兩內外費已不貲  
只有先購此項分年籌辦其有餘力再置他船或由閩滬各廠陸  
續仿造兵船總以足成四十八號爲度惟守口大礮鐵船卽所謂  
水礮臺船亦係西洋新製利器以小船配極重之礮輔助岸上礮  
臺四面伏擊阻遏中流能自行動最爲制勝凡要口須添設一二  
艘聞在外國定購每船連礮約價銀十餘萬兩但笨滯不能涉海  
須將礮位鐵甲分拆運載來華裝配應俟委員到彼一併察辦如  
價省運便陸續購造二十號分布南北各口抑或由外洋購大礮

由華廠照式仿造鐵船更可次第添置至丁日昌奏稱裁併五十號艇船可養給一號大兵輪船裁併十號闊頭舢板可養給一號根撥輪船計省沿海水師舊制各船糜費以之供給大小四十八號輪船尙覺有盈無絀等語查同治十一年五月臣於覆奏船政事宜摺內擬請裁撤各省艇船卽以各船修造養兵之費抵給輪船月費經總理衙門議令各該督撫奏辦迄今並未議覆今添購鐵甲等船巨款必須另行籌集俟購回時養船練兵一切費用應如丁日昌所議請

旨敕下江蘇山東浙江福建廣東沿海各省將舊置及新添紅單拖罟艇船舢板等項分別裁併專養輪船以免虛糜而資實用一原奏籌餉一條近日財用極絀人所共知欲圖振作必統天下全局通盤合籌而後定計新疆各城自乾隆年間始歸版圖無論

開闢之難卽無事時歲需兵費尙三百餘萬徒收數千里之曠地而增千百年之漏卮已爲不值且其地北鄰俄羅斯西界土耳其天方波斯各國南近英屬之印度外日強大內日侵削今昔異勢卽勉强恢復將來斷不能久守屢閱外國新聞紙及西路探報喀什噶爾回酋新受土耳其回部之封並與俄英兩國立約通商是已與各大邦勾結一氣不獨伊犁久踞已也揆度情形俄先蠶食英必分其利皆不願中國得志於西方而論中國目前力量實不及專顧西域師老財殫尤慮別生他變曾國藩前有暫棄關外專清關內之議殆老成謀國之見今雖

命將出師兵力餉力萬不能逮可否

密諭西路各統帥但嚴守現有邊界且屯且耕不必急圖進取一面招撫伊犁烏魯木齊喀什噶爾等回酋准其自爲部落如雲貴

粵蜀之苗獠土司越南朝鮮之略卒正朔可矣兩存之則兩利俄  
英既免各懷兼併中國亦不至屢煩兵力似爲經久之道況新疆  
不復於肢體之元氣無傷海疆不防則腹心之大患愈棘孰重孰  
輕必有能辨之者此議果定則已經出塞及尙未出塞各軍似須  
略加覈減可撤則撤可停則停其停撤之餉卽勻作海防之餉否  
則只此財力旣備東南萬里之海疆又備西北萬里之餉運有不  
困窮顛蹶者哉至此時開辦海防約計購船練兵餉器三項至少  
先需經費一千餘萬兩本年八月閒戶部奏覆文祥寬籌餉需摺  
內議請暫停內府不急之需而海防用項仍無可籌姑令各省先  
儘各項存款移緩就急抵充防費究之各省留支奉撥之數視歲  
入之數無不浮溢數倍更有何款可以存留借抵必不得已應仍  
照總理衙門五年奏案專提部存及各海關四成洋稅一款爲目

前開辦之需除津海東海關四成奏歸天津機器局江海關四成  
內之二成奏歸上海機器局山海江漢兩關四成內奏明撥充卒  
兵及淮軍月餉淡水一關奏留臺防軍需均爲海防而設毋庸置  
議外其餘各海關四成洋稅及部庫歷年提存四成應請專備總  
理衙門及海防統帥人員會商撥用此後卽責令各關月款封存  
逕行報解不准本省借留亦不必再解部庫致多轉折此項每年  
計可得銀百數十萬兩加以部庫月存三百餘萬其有不敷擬仍  
暫借洋款山續收四成項下撥還或另行設法歸楚以應急需其  
息銀以七八釐爲度歸本以十年八年爲度亦各國常有之事無  
足詫慮也至於日後久遠之費當於開源節流求之現在丁漕課  
稅正供之外添出釐金捐輸二款百万羅掘仍不足用捐輸所得  
無幾流弊甚大而內地釐金又爲半稅所絀如銅鐵羽呢洋布等

類皆關民生日用洋船轉運迅捷輸納又僅半稅於是奸民包攬  
冒騙大宗貨物皆免完釐因稅則載在和約無可議加以至彼此  
輕重懸殊商民交困叢需淵魚之喻何堪設想丁日昌擬設廠造  
耕織機器留國藩與臣奏請開煤鐵各礦試辦招商輪船皆爲  
內地開拓生計起見蓋既不能禁洋貨之不來又不能禁華民之  
不用英國呢布運至中國每歲售銀三千餘萬又銅鐵鉛錫售銀  
數百萬於中國女紅匠作之利妨奪不少曷若亦設機器自爲製  
造輪船鐵路自爲轉運但使貨物精華與彼相埒彼物來自重洋  
勢不能與內地自產者比較我利日興則彼利自薄不獨有益釐  
餉也各省諸山多產五金及丹砂水銀煤之處中國數千年未嘗  
大開偶開之又不得其器與法而常愛國用匱竭此何異家有寶  
庫封錮不啟而坐愁飢寒西士治地質學者視山之土石卽知其



中有何礦竊以爲宜聘此輩數人分往徧察記其所產擇其利厚者次第開挖一切仿西法行之或山官籌借資本或勸遠近富商湊股合立公司開得若干酌提一二分歸官其收效當在十年以後近於直之南境礮州山中議開煤鐵飭津滬機器局委員購洋器雇洋匠以資倡導固爲鑄造軍器要需亦欲漸開風氣以利民用也近世學者鑒於明季之失以開礦爲弊政不知弊在用人非礦之不可開也其無識紳民惑於鑿壤風水無用官吏恐其聚眾生事尤屬不經之談刻下東西洋無不開礦之國何以獨無此病且皆以此致富強耶若南省濱江近海等處皆能設法開辦船機製造所用煤鐵無庸向外洋購運權其餘利並可養船練兵此軍國之大利也至於洋藥一項流毒中國本年三月間欽奉寄諭以醇親王請飭密籌杜絕飭印妥議辦法等因臣查閱醇親

王摺內自不必倉猝施行要在矢志弗懈俟外洋鴉片不來再嚴  
中國罌粟之禁等語實屬洞達大體適因臺灣事起未便置議茲  
查洋藥自印度進口每年約七萬數千箱售銀三千餘萬之多英  
國明知害人之物而不欲禁洋商販運並欲禁中國內地自種用  
意殊極狡狴上年修約總理衙門與英使言之屢矣並預聲明既  
不能禁英商之不販洋煙卽不能禁華民之不食洋煙惟有暫行  
弛禁罌粟不但奪洋商利權並可加增稅項將來計窮事迫難保  
不出於此其時英使聞之亦頗心動而該國卒不見聽臣卽再與  
辦理愚亦無益應仍循總理衙門原議陰相抵制以冀洋藥漸來  
漸少再加厲禁爲宜查雲貴川陝山西各省多種罌粟疆臣等諫  
每以申明禁令爲言是徒爲外洋利藪之毆授吏胥擾索之柄究  
之罌粟日種日廣勢仍不可遽禁聞土藥性暖價廉而癮亦解不

比洋藥爲害之烈爲今之計似應暫弛各省罌粟之禁而加重洋藥之稅釐使外洋煙土既無厚利自不進口然後妥立規條嚴定限制俾吸食者漸戒而徐絕之民財可杜外耗之源國餉並有日增之勢兩得之舉也查洋藥每箱百斤新關正稅三十兩釐捐則各省多寡不同福建每箱捐銀三十六兩江蘇每箱捐銀三十二兩北洋天津等關捐銀二十四兩捐愈重則偷漏愈多英國條約原有洋藥如何徵稅聽憑中國辦理之說如能於洋稅一律議加自可毫無滲漏裨益更大否則南北各口通定一加重捐數均照閩省之式無稍參差以免趨避專收作海防經費由統帥提用合之亦成巨款此外沿江沿海各省皆令整頓貨釐鹽釐每省每年限定酌撥數萬兩協濟海防以上數端皆開源之事也若夫裁艇船以養輪船裁邊防冗軍以養海防戰士停宮府不急之需減地

方浮濫之費以裨軍實而成遠謀亦節流之大者苟非上下一心  
內外一心局中局外一心未有不半途而廢者矣

一原奏用人一條擬派統帥責成經理及遴派得力提鎮將領爲  
之分統查南北洋濱海七省自須聯爲一氣方能呼應靈通惟地  
段過長事體繁重一人精力斷難兼顧各督撫未必皆深知洋務  
兵事意見尤不能盡同若責成統帥調度既恐扞格不行若會同  
各省商籌又恐推諉貽誤從前辦粵捻各賊何嘗不屢簡統帥臣  
亦曾備位其閒深知甘苦餉權輿政非其所操不過徒擁空名而  
各督撫仍不能不問兵事畛域分則情形易隔號令歧則將士難  
從是欲一事權而反紊也何況有事之際軍情瞬息變更儻如西  
國辦法有電綫通報徑達各處海邊可以一刻千里有內地火車  
鐵路屯兵於旁聞警馳援可以一日千數百里則統帥尙不至於

誤事而中國固急切辦不到者也今年臺灣之役臣與沈葆楨前商調兵月餘而始定及調輪船分起裝送又三月而始竣而倭事業經定議矣設有緊急誠恐緩不及事故臣嘗謂辦洋務制洋兵若不變法而徒驚空文絕無實濟臣不敢明知而不言也竊計北洋三省設一統帥卽才力倍於臣者尙慮不能肆應南洋四省口岸更多似亦非一統帥所可徧及若因創設鐵甲兵船等項須責成大員督籌經理如前江西巡撫沈葆楨前江蘇巡撫丁日昌皆究心此事熟悉洋情似堪勝任丁日昌擬設北東南三洋提督分統各船不爲無見但文武兼資素習風濤駕駛輪船操法者實不易得耳抑臣更有陳者用人最是急務儲才尤爲遠圖洋人入中國已三十餘年駐京已十餘年以兵務我殆無虛歲而求練達兵略精通洋法者恒不數覩由於不學之過下不學由於上不教也

軍務肅清以後文武兩途仍舍章句弓馬末由進身而以章句弓馬施於洋務隔膜太甚是以沈葆楨前有請設算學科之奏丁日昌前有武試改鎗礮之奏皆格於部議不行而所用非所學人才何由而出近時拘謹之儒多以交涉洋務爲浼人之具取巧之士又以引避洋務爲自便之圖若非

朝廷力開風氣破拘攣之故習求制勝之實濟天下危局終不可支日後乏才且有甚於今日者以中國之大而無自強自立之時非惟可憂抑亦可恥臣愚以爲科目卽不能驟變時文卽不能遽廢而小楷試帖太蹈虛飾甚非作養人才之道似應於考試功令稍加變通另開洋務進取一格以資造就現在京師旣設同文館江省亦選幼童出洋學習似已闢西學門徑而士大夫趨向猶未盡開者何哉以用人進取之途全不在此故也擬請嗣後凡有海

防省分均宜設立洋學局擇通曉時務大員主持其事分爲格致  
測算輿圖火輪機器兵法礮法化學電氣學數門此皆有切於民  
生日用軍器製作之原外國以之黜陟人才故心思日出而不窮  
華人聰明才力本無不逮西人之處但未得其法未入其門蓋無  
以鼓勵作新之耳如有志趣思議於各種略通一二者選收入局  
延西人之博學而精者爲之師友按照所學淺深酌給薪水俾得  
研究精明再試以事或分派船廠礮局或充補防營員弁如有成  
效分別文武照軍務保舉章程

奏獎升階授以濱海沿江實缺與正途出身無異若始勤終怠立  
予罷革其京城同文館上海廣方言館習算學生及出洋子弟學  
成回國皆可分調人局教習並酌量派往各機器局各兵船差遣  
如此多方誘掖懲兼施就所學以課所事即使十人中得一成

就已多一人之用百人申得十成就已多十人之用二十年後製  
器駛船自強之功效見矣

一原奏持久一條竊以古無久而不敝之法惟在辦事之人同心  
協力後先相繼日益求精不獨保境息民兼可推悟新意裕財足  
用如泰西各國皆起於彈丸之地創造各樣利器未及百年而成  
就如此之精規畫如此之遠拓地如此之廣豈非其舉國上下積  
慮殫精人思自奮之效乎中國在五大洲中自古稱最強大今乃  
爲小邦所輕視練兵製器購船諸事師彼之長去我之短及今爲  
之而已遲矣若再因循不辦或旋作旋輟後患殆不忍言若不稍  
變成法於洋務開用人之途使人人皆能通曉將來卽有防海萬  
全之策數十年後主持之人亦必名存實亡漸歸頽廢惟有中外  
一心堅持必辦力排浮議以成格爲萬不可泥以風氣爲萬不可



不開勿急近功勿惜重費精心果力歷久不懈百折不回庶幾軍  
實漸強人才漸進製造漸精山能守而能戰轉貧弱而爲富強或  
有其時乎是天下臣民所禱祀求之者也

籌辦鐵甲兼請遣使片

同治十三年十一月初二日

再正在繕摺開承准軍機大臣密寄十月二十八日奉

上諭文祥奏敬陳管見一摺臺灣之事雖權宜辦結後患在在堪虞日本與閩浙一幫可杭倭人習慣食言難保不再生枝節前因議買鐵甲船及水礮臺各節倉猝莫辦刻下事機已緩亟宜趕緊籌畫以期未雨綢繆著沈葆楨等悉心籌商並著李鴻章李宗羲將前議購買未成之鐵甲船水礮臺及應用軍械等件迅速籌款購辦庶幾兵械精良有備無患等因欽此並鈔錄文祥原摺到臣查沈葆楨十月十四日來函倭使大久保已抵琅瑤業經約期撤兵自不致再有變局惟文祥慮及日本距閩浙太近難保必無後患目前惟防日本爲尤急洵屬老成遠見該國近年改變舊制藩民不服訪聞初頗小閔久亦相安其變衣冠易正朔每爲識者所

譏然如改習西洋兵法仿造鐵路火車添置電報煤鐵礦自鑄洋錢於國計民生不無利益並多派學生赴西國學習器藝多借洋債與英人暗結黨援其勢日張其志不小故敢稱雄東土藐視中國有窺犯臺灣之舉泰西雖強尙在七萬里以外日本則近在戶閭伺我虛實誠爲中國永遠大患今雖勉強就範而其深心積慮覬覦我物產人民之豐盛冀倖我兵船利器之未齊將來稍予間隙恐仍狡焉思逞是鐵甲船水礮臺等項誠不可不起緊籌備惟巨款旣無可指定造亦尙需時臣已於覆議總理衙門造船一條內詳切言之至前曾議買鐵甲船一爲沈葆楨飭日意格議購之丹國鐵船因事中罷昨丹國使臣拉斯勒福過津面詢據稱此船約值銀六十萬兩與日意格報價不符臣屬該使來春由京回津再議一爲出洋委員容閔在美國查報有新造未成鐵甲船一號

需銀一百七十萬元臣詢駐津美領事據稱此船未必合用總  
稅司赫德亦向總理衙門言及恐其不甚可靠臣批飭上海道信  
致各閩切實考察再行稟核以上二船雖議購而未成此外洋商  
獻圖者甚多因相稱過遠需費過巨誠恐誤買舊船未敢遽訂似  
須委員前往該國議購爲妥其水礮臺船一項總理衙門現飭赫  
德向英國詢問價值上海洋行亦有承攬訂購者據滬局委員馮  
煥光等稟稱該局仿造一隻明春可成似尙不難陸續添置惟是  
有備而無患者立國之根基不戰而詘人者攻心之上計自來備  
邊馭夷將才使才二者不可偏廢各國互市遣使所以聯外交亦  
可以窺敵情而中國並其近者而置之殊非長駕遠馭之道同治  
十年日本初議條約臣與曾國藩均奏請該國立約後中國應派  
員駐劄日本管束我國商民藉探彼族動靜冀可聯絡牽制消弭

後患上年甫經換約未及籌辦而該國遂於今春興兵來臺若先有使臣駐彼當能預爲辨阻密速商辦否則亦可於發兵之後與該國君臣面折廷爭較在京議辦更爲得勁今臺事粗定此舉未可再緩擬請

敕下總理衙門王大臣遴選熟悉洋情明練邊事之三四品京堂大員請

旨賞給崇銜派往駐劄日本公使外託鄰邦報聘之禮內答華民望澤之誠儻彼別有詭謀無難偵得其情相機控制聞該國橫濱長崎箱館各處中國商民約近萬人既經立約本不可置之度外俟公使到彼應再酌設總理事官分駐口岸自理訟賦以維

國體不特此也卽泰西諸大邦亦當

特簡大臣輪往兼駐重其祿賞而定以年限以宣威信通情款其

在中國交涉事件有不能議結或所立條約有大不便者經與該國總理衙門往復辨證隨時設法商議可漸杜該使蒙蔽要挾之弊似於通商大局有裨是否有當理合附片擬陳伏乞

聖鑒訓示謹

奏

馮桂芬建專祠片

同治十三年十一月十二日

再據江蘇吳縣紳士翰林院侍讀銜編修潘遵祁等十二人聯名  
赴津呈稱三品銜原任右春坊右中允馮桂芬籍隸蘇州力學砥  
行洞貫古今清介自持尤究心經世之學由進士授職編修升授  
中允因病乞歸旋值粵匪竄陷蘇省東南大局全恃滬濱一隅賊  
氛近逼屢瀕危險該紳先謀設會防局襄籌防剿繼定入皖乞援  
之策手草函稿數千言歷陳危急情形與用兵先後機宜迨臣統  
軍來滬復襄籌軍務多所贊決吳中田賦極重兵燹之後民力不  
支該紳留心漕賦三十餘年條議說帖裒然成帙同治二年臣等  
辦理蘇屬減賦延請該紳參議章程除絕浮費務使實惠及民又  
議三縣租額請奏定清丈田畝步弓凡此數端於

朝廷爲大政事於江蘇爲大利害該紳精心摩畫次第舉行至若

興水利端士習掩埋棲流積穀恤癯諸務蘇垣新復皆賴經營凡  
民閒利病知無不言心力交瘁疊經保薦以衰病不能赴召本年  
四月在籍病故不特紳等咨嗟惋惜卽合城士民亦無不同聲傷  
悼因其向在臣軍出力請奏懇

恩准於吳縣本籍捐建專祠等情前來臣查馮桂芬品端學邃體  
用兼賅臣前在江蘇與之共事最久知之最深其平日著書精博  
待人接物一出至誠鄉里人士知與不知皆呼爲馮先生而不名  
而其有功於地方尤在滬上乞師蘇省減賦二事吳民至今稱道  
不衰既據合詞呈請未便壘於上聞相應據情代

奏籲懇

天恩准其捐建專祠由地方官照例致祭以順輿情而資矜式理  
合附片具陳伏乞



聖鑒訓示謹  
奏

截留京餉摺

同治十三年十一月二十五日

奏爲津海關稅項抵支海防月餉尙多不敷委難補解京餉援案懇請留用並請免撥來年洋稅恭摺仰祈

聖鑒事竊臣前因津郡餉需不敷於同治九十一十二等年奏請將津海關短解京餉留用疊蒙

聖鑒在案上年十二月內戶部奏撥十三年京餉仍照案指撥天津關常稅銀五萬兩洋稅銀十萬兩行令分批撥解本年七月奉旨飭催均經轉行遵照辦理茲據署津海關道孫士達詳稱奉撥本年京餉除鈔關徵存常稅銀四萬一千六百餘兩業由前關道陳欽於五月內儘數批解外至新關洋稅一項溯查同治九年籌議天津海防練兵月餉每年六成洋稅洋藥釐捐東海關協餉約收銀二十八萬兩必須全數留支今年日本在臺滋事商賈聞

風災是稅釐均形減色計自同治十二年十一月十三日第五十四結起至十三年八月二十日第五十六結止其徵收洋稅銀二十五萬三千五百九十七兩八錢八釐除歸機器局四成並八分經費一分二釐火耗外核算六成洋稅連招商局輪船稅銀一萬四千餘兩共止十七萬三千一百七兩二錢四分三釐又自八月二十一起至十一月十五日止約計六成洋稅及招商輪船稅銀四萬餘兩現值封河洋稅無可徵收而洋藥釐捐一項因進口貨少自上年十二月至本年十月僅收銀五萬五千餘兩又東海關解到協餉銀七萬兩綜計各項進款共合銀三十一萬餘兩本年正月至今撥過海防支應局月餉暨稅務司薪水等項銀二十五萬六千餘兩其十一十二月並來年正月海防餉需及稅務司薪水等銀其尙需銀十萬餘兩核計徵存各項一併湊撥不敷

尙鉅委難續解京餉詳請援案具奏前來正在核辦聞欽奉同治十三年十一月二十日

寄諭戶部奏預撥來年京餉一摺同治十四年京餉擬在各省地丁鹽課關稅等款內指撥原單著鈔給閱看另奏歷年積欠京餉天津關常洋兩稅欠解十萬九千餘兩著迅速補解等因欽此並奉單開指撥十四年京餉天津關常稅銀五萬兩洋稅銀十萬兩等因到臣跪誦之下焦悚莫名臣忝領畿疆練兵籌餉責無旁貸況京外餉需同關緊要苟可勉力通籌何敢稍有推諉惟天津爲北洋門戶拱衛

京師實海疆最要之地疊奉

諭旨飭辦海防亟須認真整理稍壯聲威防軍本屬無多月餉何可延欠除歲撥長蘆復價十萬兩外向恃津海關六成洋稅爲大

宗而該關洋稅藥釐歲收不過二十餘萬以抵海防應支出款不敷尙鉅該道所詳委係實在情形目前練兵既未能酌裁餉項卽無從節省稅入只有此數其力斷難再顧京餉惟有籲懇

天恩俯念海防需餉萬緊准將津海關欠解上年京餉十萬九千餘兩本年京餉十萬八千餘兩援照歷屆成案免其補解出自逾格鴻慈抑臣更有請者部撥京餉必不可緩而津關洋稅收數極絀本非江海各關可比與其按年指撥仍爲無米之炊何如先事改籌期成有著之款併請

敕下戶部將此次指撥同治十四年津關洋稅銀十萬兩另由江海關洋稅較多之處酌量添撥以濟要需庶部餉不致虛懸而津郡海防稍資周轉實於中外全局有裨所有津海關本年奉撥及歷年欠解京餉委難補解並請免撥下屆洋稅各緣由恭摺據實

瀝陳伏乞

皇太后

皇上聖鑒訓示謹

奏

張家口糧臺報銷摺

同治十三年十二月十三日

奏爲同治十三年張家口糧臺用過銀兩造冊報銷恭摺仰祈  
聖鑒事竊據前任口北道奎斌詳稱前於張家口設立糧臺辦運  
口外各路征兵米糧已將同治九年十二月起至十二年十二月  
底止用過銀兩三次造報奉部覆准在案今自十三年正月起到  
十二月底止除總統杜嘎爾隨營並總管賈果爾所部察哈爾官  
兵五百八十五員名已經撤回又副都統訥蘇肯管帶原調吉林  
三四起官兵五百十員名營總那木濟勒色楞管帶續調察哈爾  
官兵二百五十九員名副都統福珠哩管帶原調吉林二起官兵  
一百九十員名均歸伊犁將軍榮全調遣副都統吉爾洪額管帶  
原調黑龍江頭三起官兵五百四員名佐領興祿管帶續調吉林  
官兵四百九十一員名佐領克什克圖管帶續調黑龍江官兵四

百七十九員名均歸烏魯木齊都統景廉調遣業經奏明毋庸運糧外所有駐紮烏里雅蘇臺之吉林黑龍江察哈爾官兵內除病故二十九員名實存二千三百六十五員名用過米價口袋等項並駐紮庫倫之宣化古北口練軍二千五百九十四名用過繩袋及糧臺應用各款共合銀三萬二千七百十三兩八錢三分內戶部應銷米價並委員薪水各役工食房價銀一萬四千八百十六兩二錢工部應銷各項繩袋草席銀一萬七千八百九十七兩六錢三分查三次報銷案內存銀二萬二千九百六十八兩八錢一分一釐又存部駁委員浮支薪水銀三十二兩新收部撥銀三萬兩除開銷外實存銀二萬二百八十六兩九錢八分一釐又餘平項下舊管銀四百四十六兩四錢二分七釐新收銀二百九十九兩一錢一分四釐開除書吏工食心紅紙張銀三百三十六兩實



存銀四百九兩五錢四分一釐統歸下次報銷今年米價每石減銀二錢牛毛袋每條減銀四分其餘繩袋悉照上年准銷之案開報又查各營米石今年均由察哈爾都統並庫倫雇駝自赴糧臺裝運用過價銀應歸察哈爾都統並庫倫報銷等情造冊請奏前來臣覆核無異除冊送部外理合恭摺具陳伏乞

皇太后

皇上聖鑒敕部核銷施行謹

奏

修濬附省隄河請獎摺 同治十三年十二月十七日

奏爲修濬省城附近隄河各工完竣遵保尤爲出力人員恭摺仰祈

聖鑒事竊臣前因保定正定河間深州各府州屬之滋河潞龍河及西淀大清河廢弛已久無不河淤隄塌每遇積雨盛漲橫流四溢爲害滋大卽經奏明籌撥經費以工代賑派委清河道葉伯英詳確勘議督同印委次第經辦並令防營及紳董隨地襄助其工程最要者修築無極深澤祁州安平博野蠡縣高陽境內之滋河北隄潞龍河南北隄挑展潞龍河下口開挖任邱雄縣保定縣境內通西淀之趙王河新城雄縣境內分減大清河之蘆僧河皆關數縣生民休戚次則堵雄縣趙村決口修辦任邱定興雄縣保定縣隄壩引河此外又有薊城行唐博野蠡縣安州新城容城雄縣

任邱望都安肅定州深澤甯晉等處月項隄河計自十一年秋開  
勘辦起至十三年六月一律完竣該員等經營兩年之久工程均  
稱完固用費核實撙節俾紓十餘州縣積患實屬有裨大局且於  
泥淖暑日中胼胝興作力任艱瘁著有微勞臣前於奏報滋河諸  
龍河隄及趙王河工竣摺內聲請彙案獎勵均奉

諭旨准其擇保等因欽遵在案惟工程繁鉅出力人員較多臣督  
飭司道再三核減今擇其尤爲出力者按照尋常勞績章程酌擬  
獎敘彙開清單敬呈

御覽仰懇

天恩俯准照獎以昭激勸理合恭摺具陳伏乞

皇太后

皇上聖鑒訓示謹

奏

河工代賑報數摺

同治十二年十二月十七日

奏爲直屬水災案內應辦隄河各工以工代賑用過銀兩詳細開單奏報恭摺仰祈

聖鑒事竊查同治十一年大水成災臣因省城迤東之滋河瀕龍河下口及白洋等淀淤墊口甚又大清河盛漲不能容納須分別淤築並開挖減河各該河隄漫口災歉之餘民力未逮亦必官爲籌堵於是年九月二十三日奏請提撥司庫地丁銀十萬兩以工代撫再於練餉局江南協款項下隨時酌量湊撥事竣開單奏報免造細冊等因奉

旨著照所請該部知道欽此十二年水災又重遭

旨請撥東南各省協濟直隸賑款聲明上游各處隄河衝缺淤墊必須擇要修治工賑並舉各在案先經飭據清河道葉伯英周歷

詳勘博采眾議籌堵雄縣趙村大清河決口修築無極深澤祁州  
安平博野蠡縣高陽境內滋河南隄及潞龍河南北隄挑展潞龍  
河下口以資暢洩並於任邱雄縣保定縣地面開挖趙王河俾通  
西淀去路又於新城雄縣等境內開挖蘆僧減河俾分大清河上  
游之水由中亭河下歸東淀以上各工有應挑引河應做開壩並  
趙王河蘆僧河各築隄埝均係因地制宜又有任邱定興雄縣保  
定隄壩引河等項工程飭令該道親駐工次督率員紳認真修辦  
招集附近災黎備趁積資餬口自十二年春初興工至十三年六  
月一律完竣臣委員逐一驗收丈尺悉與原估相符工程均稱完  
固已將趙村合龍及修築滋河潞龍河隄開挖趙王河情形先後  
奏報本年河隄各工搶護平穩農田幸獲豐收將來善後事宜經  
臣督同司道議定應令清河道每屆汛期出省親督印委各員實

力修防庶免日久廢弛統計前項辦竣工程除酌資民力兵力外  
共用銀二十萬九千四百九十餘兩已發過銀二十萬七千七百  
五十兩餘再籌撥找發據該道等陸續詳報前來臣逐加確核均  
係實用實銷並無絲毫浮冒且以工代賑計口授食隨時隨地酌  
量情形較之例定土方銀數尙有節省自應欽遵原奉

批旨開單奏報免造細冊以昭核實而歸簡易此外尙有另辦工  
程俟竣事續行奏報所有水災案內歷辦隄河各工以代賑撫用  
過銀兩及工段丈尺理合詳細開單恭摺具陳伏乞

皇太后

皇上聖鑒敕部查照謹

奏

謹將直屬水災案內歷辦隄河各工以代賑撫用過銀兩及  
工段丈尺據實開列清單恭呈

御覽

計開

一堵雄縣趙村大清河決口大壩工長五十五丈頂底均寬四丈  
高深二丈一尺小壩工長五十五丈頂底均寬二丈高深二丈一  
尺夾土橫一道工長五十五丈頂底均寬一丈高深二丈一尺邊  
埝二十三段每段長四丈頂底均寬一丈高一丈二尺養水盆一  
道工長七十丈頂底均寬二丈高一丈三尺順水壩一道工長一  
百丈頂底均寬一丈二尺高一丈共用銀六千三百七十六兩三  
錢六分九釐六毫五絲五忽

又開挖引河工長二百二十丈口寬九丈六尺至十二丈底寬六



丈深六尺至一丈就原河開段挑淤工段共長一千一百八十丈  
七尺五寸口寬八丈四尺至六丈九尺底寬六丈深一尺五寸至  
四尺其用銀二千六百二十二兩六錢一分八毫六絲一忽五微

一修築無極深澤邳州安平博野蠡縣高陽等境滋河南隄瀕龍

河南北兩隄內加修工段其工長六萬六千一百六十七丈三尺

築成頂寬一丈五尺至二丈底寬三丈五尺至四丈高八九尺不

等共銀一萬四千三百二十九兩一錢八釐八毫七絲

又築壩八道其工長四百三十六丈頂底均寬六尺至一丈高深

七尺其用銀二千一百四十七兩四錢三分四釐五毫

一挑展瀕龍河下口就原河加寬加深工段共長一千七百二十  
三丈八尺加成口寬十丈底寬五丈至六丈五尺深七尺裁灣直  
河工段共長六百五十三丈二尺七寸開成口寬十丈底寬五丈

深一丈淀邊撈挖工段其長二百八十三丈五尺撈成口寬十丈至八丈三尺底寬七丈五尺深五尺至一尺七寸共川銀一萬二千五百七十三兩二分七釐一毫一絲一忽一微

一開挖趙王河水中撈挖工段自趙北口連橋以西至大港引河西口止正河支河其工長一千七百五十五丈二尺撈寬十丈至三丈撈深三尺五寸至五尺不等又正河自大港引河西口至應嘴壩止除原河寬深處所無庸挑挖外計應挑工段其長八千三百二十二丈三尺挖口寬十丈底寬五丈五尺深九尺共用銀五萬九千四百四十一兩一錢七分三釐四毫二絲七忽一微

又沿河築壩十一道其工長八百二十六丈二尺五寸頂底均寬一丈至一丈二尺高六尺至七尺共用銀四千九百八十九兩一

錢一分三釐一毫四絲

又鴈嘴壩河口建石閘一座高一丈三尺金牆各長二丈六尺四寸雁翅各長八丈金門口寬二丈六尺共用銀九千二百三十八兩四釐五毫六絲五忽

一開挖蘆僧減河自新城十九堡起至霸州中亭河上口止其工長二萬一千五百九十四丈挑成口寬六丈底寬三丈深七尺共用銀六萬三千五百二兩四錢一釐六毫九絲三忽

又下游北岸築遙隄一道工長三千七百六十一丈頂寬一丈底寬三丈五尺高七尺共用銀九千五百七十二兩四錢九分七釐二毫

一修築任邱縣千里隄開段修築計工長一千四百四十八丈修成頂寬一丈六尺底寬四丈高八尺共用銀五千四百三十四兩九錢一分四釐五毫八絲五忽一微

又築壩一道工長九十丈三尺頂底均寬四丈高深一丈五尺共用銀三千一百七十六兩二錢三分九釐四毫

一堵築定興縣五馬口拒馬河漫口壩工共長三十丈頂底均寬四丈高深一丈三尺共用銀九百三十八兩九錢七分三釐

又補築隄工二段其長二十二丈三尺五寸頂寬一丈底寬四丈高八尺共用銀六十一兩六分二毫

一雄縣大清河擇要開挖引河三段其工長一百二十九丈九尺五寸口寬八丈底寬三丈五尺深九尺至八尺共用銀四百五十兩四錢三分七釐七毫五絲

又築壩四道其工長二百三十丈頂底均寬二丈高深七尺共用銀二千四十九兩五錢七分六釐

一修築保定縣大清河南北埝其工長五千四十四丈九尺修成

項寬七尺底寬二丈五尺高六尺其用銀一萬六百二十七兩二錢八分四釐六絲四忽

又築壩三十六道其工長四百四十九丈七尺頂底均寬七尺至七尺五寸高深六尺其用銀一千九百六十六兩八錢七分一釐八毫八忽

統計以上各工共用銀二十萬九千四百九十六兩九錢九分七釐八毫二絲九忽八微已在司庫地丁項下撥給銀十萬兩又於十二年協撥賑撫項下勻給銀六萬六千三百兩又於練餉局江南協款項下湊撥銀四萬九百五十兩又提回保定縣十三年春撫項下銀五百兩共計發過銀二十萬七千七百五十兩尙墊支銀一千七百四十六兩九錢九分七釐八毫二絲九忽八微另再籌撥歸墊理合聲明

李文忠公文稿卷二十四

後附二十四

四